

Broj: 01-02/2-1050/25 SK/AAA
Sarajevo, 10.07.2025. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM
n/r gđin Dragan Mioković, predsjedavajući
n/r gđa Alma Kratina, poslanik

Bosna i Hercegovina
Federacija Bosne i Hercegovine
PARLAMENT FEDERACIJE BIH
SARAJEVO

Primljeno: 11-07-2025			
Org. jed.	Broj	Priloga	Vrijednost
05/1	02	190	25

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
n/r gđa Edita Kalajdžić, sekretar

Predmet: Odgovor na poslaničko pitanje, dostavlja se-

Veza: Akt Predstavničkog doma Parlamenta Federacije BiH, broj: 05/1-02-190/25 od 07.04.2025. godine i akt sekretara Vlade Federacije Bosne i Hercegovine broj: 03-04-709-34/2025 od 10.04.2025. godine

Poštovani,

Aktima broj i datum veze, Federalnom ministarstvu rada i socijalne politike dostavljeno je poslaničko pitanje koje je, na 19. redovnoj sjednici Predstavničkog doma Parlamenta Federacije Bosne i Hercegovine, održanoj 02.04.2025. godine, postavila Alma Kratina, poslanik u Predstavničkom domu Parlamenta Federacije BiH, a koje se odnosi na Zakon o roditeljima njegovateljima u Federaciji Bosne i Hercegovine i djecu oboljelu od autizma. U skladu sa navedenim, dostavljamo odgovor kako slijedi:

Članom 2. stav (1) Zakona o roditeljima njegovateljima u Federaciji Bosne i Hercegovine („Službene novine Federacije BiH”, broj: 75/21) određeno je da je roditelj njegovatelj, u smislu ovog Zakona, roditelj lica sa 100% invaliditetom uzrokovanog bolešću ili poremećajem u razvoju, kao i slijepog lica čiji je ostatak vida na oba oka ispod 0,05 s korekcijom, odnosno roditelj lica koje se, prema nalazu Instituta za medicinsko vještačenje zdravstvenog stanja, ne može osposobiti za samostalan život niti može samostalno zadovoljavati barem jednu od sljedećih osnovnih životnih potreba: kretanje u stanu i izvan stana, uzimanje hrane, oblačenje i svlačenje, održavanje lične higijene ili održavanje drugih fizioloških potreba.

Članom 6. stav (1) Zakona o roditeljima njegovateljima u Federaciji Bosne i Hercegovine propisano je da se status roditelja njegovatelja pod uslovima utvrđenim Zakonom, priznaje jednom od roditelja lica s invaliditetom sa 100% oštećenjem organizma i pravom na dodatak za pomoć od drugog lica I grupe, utvrđenim u skladu

sa Zakonom o osnovama socijalne zaštite, zaštite civilnih žrtava rata i zaštite porodice sa djecom.

Kao što se vidi iz navedenog ostvarivanje prava po osnovu statusa roditelja njegovatelja veže se za stepen invalidnosti lica sa invaliditetom i za utvrđenu potrebu za njegom i pomoći od strane drugog lica, a ne za utvrđenu dijagnozu.

Nadalje, a vezano za sistemsku podršku, između ostalih i djeci s autizmom i njihovim porodicama, napominjemo da je Federalno ministarstvo rada i socijalne politike pripremilo i uputilo na usvajanje Vladi Federacije BiH Nacrt zakona o socijalnim uslugama koji predstavlja odgovor na potrebu za sistemskim promjenama koje je neophodno provesti u oblasti tradicionalnog načina brige o korisnicima i zadovoljavanja njihovih potreba. Zakon predstavlja odgovarajući pravni instrument pomoću kojeg će se stvoriti ključne pravne pretpostavke za razvijanje efikasnog i održivog sistema socijalnog zbrinjavanja i podrške grupa i pojedinaca u stanju socijalne potrebe, kao i za ostvarenje osnovnih ciljeva u izgradnji društva osjetljivog na potrebe svojih najranjivijih članova.

S poštovanjem,



Dostavljeno:

- Naslovu
- a/a